

Memoria xustificativa para a publicación dos convenios de colaboración entre a Consellería de Presidencia, Xustiza e Deportes e o concellos afectados para o financiamento dos gastos extraordinarios causados polos incendios forestais que afectaron a Galicia no verán de 2025

1. Departamento que tramita os convenios

A Consellería de Presidencia, Xustiza e Deportes é o departamento da Xunta de Galicia ao cal lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, de 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101, do 27 de maio).

Pola súa vez, o artigo 29 do devandito decreto determina que a Dirección Xeral de Administración Local é o órgano encargado da xestión das competencias atribuídas á Xunta de Galicia en materia de administración local e a este centro directivo correspóndelle, en particular, o fomento das liñas de colaboración coas entidades locais galegas no referente á convocatoria e execución das subvencións destinadas a elas.

Asemade, o Decreto 76/2025 de 29 de agosto de 2025, de medidas urxentes de axuda para a reparación dos danos causados polos incendios forestais que afectan a Galicia durante o verán de 2025 na súa disposición final primeira faculta a Consellería de Presidencia, Xustiza e Deportes, para que no ámbito das súas competencias dite as medidas necesarias para a aplicación deste decreto.

2. Antecedentes

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza.

Pola súa banda, a Comunidade Autónoma de Galicia ten como obxectivo o desenvolvemento equilibrado do territorio galego, do medio rural e do urbano, do interior e da faixa costeira, que permita o progreso económico da totalidade do territorio e que a cidadanía galega teña unhas óptimas condicións de vida, con independencia do seu lugar de residencia, potenciando e apoiando a prestación de servizos por parte dos nosos concellos que son a Administración máis próxima aos administrados.

Pola súa vez, a Lei 5/1997, do 22 de xullo, de Administración Local de Galicia, establece que as entidades locais galegas e a Xunta de Galicia adecuarán a súa actuación aos principios de colaboración e auxilio que puidesen precisar coxunturalmente para o eficaz cumprimento das súas tarefas, entre estas a seguridade en lugares públicos.

Este obxectivo común reforzase no contexto actual marcado polos incendios forestais que están afectando a Galicia, especialmente á provincia de Ourense, situación adquiriu unha especial complexidade pola confluencia de condicións meteorolóxicas adversas, marcadas por temperaturas extremas, fortes ventos e un período prolongado de seca, que favoreceron a rápida



propagación do lume xerando unha situación de emerxencia humanitaria e social, provocando importantes danos persoais e materiais que é urxente e inaprazable reparar. A vaga de incendios producidos durante no verán de 2025, está a ocasionando danos en bens de titularidade municipal que afectan o normal funcionamento dos servizos públicos. A reparación destes danos está supoñendo importantes de gastos extraordinarios as facendas municipais das entidades locais máis afectadas.

3. Finalidade

Para os efectos sinalados, tense previsto formalizar cos concellos afectados un instrumento convencional ao que se refire esta memoria, por un período de vixencia que abrangue desde o día da súa sinatura ata o 15 de decembro de 2026 se ven considéranse subvencionables todos os gastos que os concellos realicen nos que tivese incorrido o concello como consecuencia da realización de actuacións acordes co seu obxecto, incluso aqueles que se efectuasen con anterioridade á sinatura deste, sempre que, neste caso, se trate de gastos correspondentes ao actual exercicio económico.

4. Obxecto do convenio

O obxecto do presente convenio é fixar as liñas de colaboración entre a Consellería de Presidencia, Xustiza e Deportes e os concellos afectados para o financiamento dos gastos extraordinarios de reparación dos danos causados polos incendios forestais do verán de 2025, que comprenden os seguintes:

- Os gastos derivados das actuacións levadas a cabo polos concellos como consecuencia dos incendios e os danos causados nos bens de titularidade municipal
- Os gastos nos que incorresen os veciños pola súa colaboración coa extinción e que fosen resarcidos polos concellos.

Para os efectos deste convenio consideraranse gastos elixibles os teñan como obxecto:

- a. Obras de demolición, reparación, mantemento, reposición, rehabilitación, restauración ou reforma das infraestruturas, equipamentos ou bens municipais afectados polos incendios.
- b. Gastos de limpeza e restauración ambiental das infraestruturas, equipamentos ou bens municipais afectados polos incendios, incluída a recollida e traslado de restos.
- c. Os gastos de alugueiro, combustible e reparación de maquinaria e vehículos.
- d. Gastos de traslado, aloxamento e mantenza da poboación evacuada ou do persoal, tanto propio como dos efectivos integrantes do operativo de extinción, que o concello tivese que asumir.
- e. Gastos de adquisición de material para a reposición dos servizos afectados polos incendios e para a posta a disposición do operativo de extinción .
- f. Os gastos en que incorresen os veciños/as pola súa colaboración na extinción e que lles foran resarcidos polo concello
- g. En xeral, calquera outro directamente relacionado coa situación dos incendios do verán de 2025 en bens de titularidade municipal.



5. Fundamentos do convenio

Co fin de paliar os danos ocasionados, o 29 de agosto de 2025 o Consello da Xunta, aprobou o Decreto 76/2025, de medidas urxentes de axuda para a reparación dos danos causados polos incendios forestais que afectan a Galicia durante o verán de 2025. De conformidade con esta norma, serán beneficiarias destas axudas (entre outros) as entidades locais afectadas.

Mediante este convenio instruméntanse as axudas tendentes a paliar os danos causados e atender ás situacións de necesidade nas que se atopan aos concellos afectados, contribuíndo así a inmediata restauración comunitaria e urbanística das zonas damnificadas para que poidan volver canto antes a normalidade, así como manter a actividade económica dos territorios danados.

Na situación antes descrita é precisa a inmediata realización de obras de reparación, mantemento ou reposición das infraestruturas, equipamentos ou bens municipais afectados polos incendios, cubrir os gastos de limpeza e restauración destes, costear a recollida e traslado de restos, a adquisición de diverso materia necesario para a reposición dos servizos afectados polos incendios ou para a posta a disposición do persoal de emerxencias que se despregou na zona.

Compre tamén colaborar cos concellos para que poidan afrontar custos producidos pola atención á poboación evacuada ou ao persoal, tanto propio alleo, integrante do operativo de extinción e resarcilos polos gastos que aboan aos veciños que colaboraren nas labores de extinción.

En definitiva, os principios de cooperación, colaboración e solidariedade exixen, nunha situación como esta, sen precedentes, instrumentar os mecanismos necesarios para ca maior celeridade axudar aos concellos a afrontar os de gastos imprevistos, urxentes e extraordinarios, producidos a consecuencia da situación de emerxencia creada polos incendios forestais producidos durante o verán de 2025, gastos asumidos polos concellos afectados que supón para estes un importante incremento do gasto municipal.

Xa que logo, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións imprescindibles para o restablecemento do normal funcionamento da entidade local que lle permitan exercer as competencias e prestar os servizos que a normativa básica en materia de réxime local atribúelles aos concellos, como Administración máis próxima aos administrados.

A conxuntura descrita, a necesidade extraordinaria de asistencia aos concellos afectados, o obxectivo da actuación, así como a existencia de crédito axeitado e suficiente para a súa aplicación eficaz no restablecemento dos servizos municipais sobre os que se actuará a través do convenio que se pretende subscribir, destinado á reparación dos danos causados polos incendios forestais están afectar a Galicia no verán de 2025, acreditan a existencia de razóns de interese público que xustifican o recurso ao procedemento excepcional de concesión directa dunha subvención a favor do nome completo do Concello.

6. Aplicación orzamentaria e importe

Para dar cumprimento aos obxectivos deste convenio, a Consellería de Presidencia, Xustiza e Deportes, a través da Dirección Xeral de Administración Local, achegará a cantidade máxima de CINCO MILLÓNS DE EUROS con cargo ás aplicacións orzamentarias 05.04.141A.460.25 e 05.04.141A.760.25 encadradas ambas no mesmo código de proxecto (CP 2025 00191 Axudas incendios agosto 2025) dos orzamentos xerais da Comunidade Autónoma para os anos 2025 e 2026 nas que existe crédito adecuado e suficiente. A distribución por aplicacións e anualidades é a que se indica a continuación:



Anualidade	Aplicación orzamentaria	Importe subvención (en €.)
2025	05.04.141A.460.25	900.000,00 €
	05.04.141A.760.25	1.500.000,00 €
2026	05.04.141A.460.25	
	05.04.141A.760.25	2.600.000,00
TOTALS		5.000.000,00 €

Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, con independencia de que, ao abeiro do previsto nos artigo 4 da devandita norma, lle sexan de aplicación os principios desta lei para resolver as dúbidas e lagoas que se poidan presentar.



ANEXO

RELACIÓN DE CONVENIOS ASINADOS

NOME CONCELLO	Subtotal anualidade 2025	Subvención anualidade 2026	TOTAL SUBVENCIÓN
Concello de Avión	18.147,56	12.249,31	30.396,87
Concello de Baltar	10.454,19	18.120,59	28.574,78
Concello do Barco de Valdeorras	77.504,88	42.995,12	120.500,00
Concello de Beade	5.993,02	0,00	5.993,02
Concello do Bolo	88.017,18	143.149,00	231.166,18
Concello de Camariñas	119.649,01	143.149,00	262.798,01
Concello da Cañiza	1.786,80	1.280,64	3.067,44
Concello de Carballeda de Avia	144.696,93	143.149,00	287.845,93
Concello de Carballeda de Valdeorras	21.700,55	25.365,85	47.066,40
Concello de Cartelle	5.257,35	0,00	5.257,35
Concello de Chandrexa de Queixa	43.199,02	14.641,59	57.840,61
Concello de Cualedro	100.788,82	143.149,00	243.937,82
Concello da Gudiña	18.387,09	25.148,82	43.535,91
Concello de Larouco	89.416,17	143.149,00	232.565,17
Concello de Laza	91.259,21	65.000,49	156.259,70
Concello de Leiro	8.579,11	13.951,22	22.530,33
Concello de Maceda	38.132,01	24.722,96	62.854,97
Concello de Manzaneda	35.341,63	44.785,65	80.127,28
Concello de Melón	107.243,96	109.517,25	216.761,21
Concello da Mezquita	7.937,08	0,00	7.937,08
Concello de Montederramo	17.918,81	15.678,08	33.596,89
Concello de Monterrei	82.585,97	143.149,00	225.734,97
Concello das Neves	17.836,15	30.916,00	48.752,15
Concello de Oímbra	87.813,17	143.149,00	230.962,17



NOME CONCELLO	Subtotal anualidade 2025	Subvención anualidade 2026	TOTAL SUBVENCIÓN
Concello de Pantón	6.728,44	11.662,63	18.391,07
Concello de Petín	6.118,07	7.519,42	13.637,49
Concello da Pobra de Trives	85.609,75	83.390,25	169.000,00
Concello de Ponteceso	42.471,44	21.997,33	64.468,77
Concello de Quiroga	144.696,93	143.149,00	287.845,93
Concello de Ribadavia	6.433,19	0,00	6.433,19
Concello de Riós	41.338,80	28.448,13	69.786,93
Concello da Rúa	120.565,48	143.149,00	263.714,48
Concello de Rubiá	109.671,93	82.439,03	192.110,96
Concello de Salceda de Caselas	25.460,42	44.131,39	69.591,81
Concello de Salvaterra de Miño	2.863,10	4.962,70	7.825,80
Concello de San Cibrao das Viñas	21.491,06	30.439,03	51.930,09
Concello de Sober	9.336,02	15.099,10	24.435,12
Concello de Toques	14.497,26	25.128,58	39.625,84
Concello da Veiga	116.989,00	95.121,96	212.110,96
Concello de Viana do Bolo	107.058,37	143.149,00	250.207,37
Concello de Vilaboa	7.485,70	0,00	7.485,70
Concello de Vilamartín de Valdeorras	144.696,92	143.149,00	287.845,92
Concello de Vilar de Barrio	12.743,02	16.021,25	28.764,27
Concello de Vilardevós	33.016,79	47.075,68	80.092,47
Concello de Vilariño de Conso	87.720,70	44.390,25	132.110,95
Concello de Xinzo de Limia	13.361,94	23.160,70	36.522,64



Santiago de Compostela, na data da sinatura electrónica
A directora xeral de Administración Local

Natalia Prieto Viso
(*documento asinado electronicamente*)

